



UYebo neZim

Ntombifuthi Ncwayiba

Kamogelo Matlawe





Kwindawo edume ngamahlathi, kwaye kukho uYebo,
umntwana owayehlala nabazali bakhe.

Kwalapho kuloo ndawo, kwakuhlala uZimzim.

UZimzim lo wayesaziwa ngokutya abantwana.



USikwebu onguyise kaYebo, wayengumzingeli. Ebesithi xa ekufutshane akhwaze athi, “Yebo! Yebo! Mntwana wam. Ndihlangebeze.”

Umve uYebo esithi kumama wakhe, “Mama, utata uyandikhwaza. Mandikhwuleze ndimkhawulele.”

UZimzim waqaphela ngokukhawuleza ukuba uSikwebu uyamkhwaza umntwana wakhe xa avela kuzingela.



Ngobo busuku uZimzim wazama ukuzenza uSikwebu wakhwaza, “Yebo! Yebo! Mntwana wam. Ndihlangebeze.”

Waziva ukuba elo lizwi liphumayo asililo ilizwi likaSikwebu.

Wahlala wacinga, “Ndingalitshintsha njani ilizwi lam?”



UZimzim wandwendwela enye indoda eyaye isaziwa ngobubi.

“Mhlekaazi, ndingenza njani ukuze ndibe nelizwi elifana nelo labantu?”


Kufuneka utshise izembe lide lijike libe bomvu, wakugqiba uliginye,” yamcebisa njalo.



Wenza njengoko eyalelwe uZimzim.


Watshisa izembe waza waliginya, waphinda waya kuloYebo wafika wakhwaza, "Yebo! Yebo! Mntwana wam. Ndihlangebeze."

Hayi yayingelolizwi likaSikwebu elo. Wayeliva ukuba elo lizwi lalilikhulu.



UZimzim wabuyela kwindoda leyo wayeye kuyo ebhidekile wafika wathi, “Ndodandini, kanti umntu kufuneka ade athini ukuze ilizwi lakhe libe lincinci nje kakuhle?”


“Phinda utshise izembe ubusuku bonke uze uliginye kusasa.”



Emva koko wahamba uZimZim wabuyela endaweni yakhe esehlathini. Wenza njengoko eyalelwe. Kweli tyeli waziva ezithembile.

Waphinda wakhwaza, “Yebo! Yebo! Mntwana wam. Ndihlangebeze.”

Ilizwi lakhe lafana twatse nelo likaSikwebu.



Akumva uYebo wakhawuleza ukuya kuye. Akufika wafumanisa ukuba ayingoyise wajika wabaleka.

Waleqwa nguZimzim wabanjwa.


Wahamba naye waphindela phakathi apho ehlathini.



Akugqithanga mizuzu mingaphi, wavela uSikwebu njengesiqhelo wakhwaza, “Yebo! Yebo! Mntwana wam. Ndihlangebeze.”

Okwamothusayo kukuba akazange avele ndawo uYebo. Umama waphendula ngelithi, “Ubusele umbizile nje umntwana wakho.”

Baqonda kwangoko ukuba umntwana wabo uthathiwe nguZimzim.



Wathabatha intonga yakhe uSikwebu waqonda ngqo ehlathini.

Kungekudala, wambona uZimzim elele ecaleni komlambo, eneso sisu sikhulu. Wayebeke ingxowa enkulu phambi kwakhe.



Wachwechwa ukusondela. Akusondela, wambetha wamqusha ngentonga yakhe.

Wothuka wabaleka uZimzim ebalekela kude.

Wakhulula loo ngxowa uSikwebu wamkhupha umntwana wakhe owaysaphila.



USikwebu wamgona uYebo, evuyela ukumbona umntwana wakhe.

Wavuya kakhulu noYebo akubona utata wakhe, iqhawe lakhe elimsindise kuZimzim.

Balibala ngoZimzim babuyela ekhaya.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA
INSTITUTE FOR
EDUCATION AND
RURAL DEVELOPMENT



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: UYebo neZim

Author/s: Ntombifuthi Ncwayiba

Translator/s: Ntombifuthi Ncwayiba


Illustrator/s: Kamogelo Matlawe

Assurer/s: Bulelwa Nokele, Angelinah Dazela

Language: isiXhosa

© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

